

GRAD ZAVIDOVIĆI
GRADSKO VIJEĆE ZAVIDOVIĆI
n/r. Predsjedavajuća

Primljena: 09-12-2025			
Org. jed.	Kl. ozna.	Red. broj	Pr. prijava
01	04	2096125	

INICIJATIVA

Na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim inicijativu **za sufinansiranje studentskog prijevoza na relacijama koje povezuju Grad Zavidovići sa univerzitetskim centrima u BiH.**

Obrazloženje: Veliki broj mladih ljudi sa područja Grada Zavidovića studira u Sarajevu, Zenici, Tuzli, Mostaru i drugim univerzitetskim centrima širom BiH. Sa početkom nove akademske godine većina njih će veći dio vremena provoditi van Zavidovića, a troškovi prijevoza predstavljaju značajan teret za njih i njihove porodice.

Upravo vikendom, kada studenti dolaze kući, osjeti se da u gradu nedostaje mladih, što stvara osjećaj praznine u lokalnoj zajednici. Subvencioniranjem studentskog prijevoza Grad bi im omogućio da češće dolaze kući, da održavaju vezu sa svojim porodicama i zajednicom, te da se poveća prisutnost mladih u gradu tokom vikenda i praznika.

S obzirom da se radi o našim sugrađanima i budućnosti naše lokalne zajednice, Grad Zavidovići ima moralnu i društvenu obavezu da olakša njihov položaj i podrži ih u periodu studiranja. Subvencija troškova prijevoza bila bi direktna pomoć studentima i njihovim porodicama, a istovremeno i ulaganje u jačanje povezanosti mladih sa rodnim gradom.

Prijedlog:

- Da Gradsko vijeće Zavidovići usvoji inicijativu i obaveže nadležnu službu da, u saradnji sa prijevoznicima, definiše model subvencioniranja studentskog prijevoza na relacijama koje povezuju Grad Zavidovići sa univerzitetskim centrima u BiH.
- Da visina subvencije iznosi 30% od cijene studentske karte.
- Da se sredstva za subvencioniranje studentskog prijevoza planiraju u budžetu Grada Zavidovići za 2026. godinu, a realizacija subvencioniranja započne od ljetnog semestra akademske 2025/2026. godine

Zavidovići, 30.9.2025.

Vijećnik SDP BiH

Asim Džindić, ing.el.



GRADSKA ORGANIZACIJA SDP BiH ZAVIDOVIĆI

Sekretarijat: Adresa: dr. Pinkasa Banta bb
(zgrada „Stare općine“)
72220 Zavidovići, BiH

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Broj: 02-04-2145/25-AP-5

Datum: 19.11.2025. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Stav po inicijativi vijećnika Asima Džinde za sufinansiranje studentskog prijevoza na relacijama koje povezuju Grad Zavidovići sa univerzitetskim centrima u BiH, dostavlja se

U prilogu akta dostavljam vam stav po inicijativi vijećnika Asima Džinde podnesenu za sufinansiranje studentskog prijevoza na relacijama koje povezuju Grad Zavidovići sa univerzitetskim centrima u BiH.

Stav po podnesenoj inicijativi dostavljam u skladu sa članom 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023).

S poštovanjem

Dostavljeno:

1. Naslovu,
2. U spis.

Akt pripremila:



(Fatima Merdanović)

Akt pregledao:


(Nermin Čahtarević)



GRADONAČELNICA

mr. iur.  Ema Merdžić Smailhodžić



Broj: 02-04-2145/25-AP-4
Datum: 19.11.2025. godine

GRAD ZAVIDOVIĆI
GRADSKO VIJEĆE ZAVIDOVIĆI
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Asima Džinde za sufinansiranje studentskog prijevoza na relacijama koje povezuju Grad Zavidovići sa univerzitetskim centrima u BiH dostavljam:

PREDMET: Stav po inicijativi vijećnika Asima Džinde za sufinansiranje studentskog prijevoza na relacijama koje povezuju Grad Zavidovići sa univerzitetskim centrima u BiH, dostavlja se

Inicijativu vijećnika Asima Džinde za sufinansiranje studentskog prijevoza na relacijama koje povezuju Grad Zavidovići sa univerzitetskim centrima u Bosni i Hercegovini treba djelimično prihvatiti.

Inicijativa vijećnika Gradskog vijeća Zavidovići Asima Džinde za subvencioniranje troškova prijevoza studenata sa područja Grada Zavidovići, koji studiraju na Univerzitetima u Bosni i Hercegovini, u iznosu od 30% cijene studentske karte, za što bi se u Budžetu Grada Zavidovići za 2026. godinu morala planirati dodatna sredstva, trenutno je djelimično prihvatljiva. Naime, inicijativa je prihvatljiva sa stanovišta potrebe sufinansiranja prevoza studenata sa područja Grada Zavidovići jer je evidentno da naši studenti troše značajna finansijska sredstva za odlaske na fakultet i dolaske kućama, naročito zbog rasta cijena javnog prevoza.

Obzirom da realizacija predmetne inicijative iziskuje detaljnu analizu u smislu prikupljanja podataka o ukupnom broju studenata sa svih Univerziteta u Bosni i Hercegovini, detaljne informacije o trenutnim cijenama autobuskih karata, analizu eventualnog poskupljenja istih do momenta realizacije inicijative, izradu potrebnih akata za pripremu Javnog poziva za dodjelu sredstava i niz drugih aktivnosti, provođenje inicijative se ne može planirati Budžetom Grada Zavidovići za 2026. godinu, ali će se provoditi navedene aktivnosti na stvaranju pretpostavki za realizaciji predmetne inicijative.

Napominjemo da Grad Zavidovići u svom Budžetu svake godine izdvaja značajna sredstva za pomoć pri obrazovanju naših učenika i studenata, kao što su sredstva za: općinsku / gradsku studentsku stipendiju; nagrade (stipendija) za posebno nadarene studente; nagrade za učenike generacije osnovnih i srednjih škola; provođenje općinskog / gradskog takmičenja u znanju učenika; sredstva za subvencioniranje prijevoza učenika srednjih škola; sredstva djeci romske nacionalnosti za pomoć pri školovanju (na godišnjem nivou navedena sredstva iznose cca : 230.900,00 KM).

U skladu sa navedenim, smatramo da Grad Zavidovići izdvaja značajna sredstva za pomoć u obrazovanju učenika i studenata sa područja Grada Zavidovići, te trenutno nismo u mogućnosti prema raspoloživim finansijskim sredstvima izdvojiti i dodatna sredstva u Budžetu Grada Zavidovići za 2026. godinu za traženu namjenu, naročito što je iznos potrebnih sredstava u ovom momentu nepoznat.

S poštovanjem


Dostavljeno:

1. Naslovu,
2. U spis.

Akt pripremila:


(Asima Merdanović)

Akt pregledao:


(Jasmin Mahmutović)

Akt pregledao:


(Nermin Čahtarević)



GRADONAČELNICA

mr. iur. Erna Merdić Smailhodžić